

possent. Quod tamen non eo velim accipi, ac si superse-  
dere tantisper debeamus iuris Germanici libris systematicis,  
quos componere quidam tentarunt felici satis successu. Quo-  
rum igitur consilium et operam neutiquam improbo. Mo-  
do, quoad fieri potest, caueant, tot specialium rerumpubli-  
carum statuta saepenumero diuersissima maximeque distan-  
tia contorta ratione componantur. Modo itidem curent, ne  
fragmentis, quod alicubi Dn. Praeses dixit, ac frustis iuris Ger-  
manici obsoleti multisque retro saeculis abiecti et cum ipsa  
reipublicae forma antiquati ipsoque non vsu abrogati puluis  
excitetur.

§. III.

Falli certe crediderim, qui aut ius Germanicum medii,  
quod vocant, aevi, aut vniuersale nouum, quod Re-  
cesibus atque Ordinationibus Imperii continetur, priscis sem-  
per moribus legibusque respondere Germanosue adoptatis  
peregrinis iuribus nec vsquam patriis dedisse repudium insti-  
tutis absolutius contendunt. Si, curiosius vt isthaec omnia  
exsequerer, propositum pateretur, facile cumulum eorum  
struerem, quae vel mediae iam aetatis Germanica iura iuri-  
bus exoticis adpersa esse comprobant. Quis Calpurniam,  
in qua culpa haerere in l. 1. §. 5. ff. de postulando dicitur,  
quamobrem mulieres causas pro aliis orare prohibentur, in  
Speculo Saxonico se credat posse intueri. Et repraesentat  
vero tam terribilem adpectu iudicibus atque intolerabilem  
mulierem Speculum in Sächs. Landr. L. II. art. 63. his verbis:  
Es mag kein Weib Vorsprach seyn noch ohne Vormunden klagen.  
Das verwirckte ihnen allen Calphurnia, die vor dem Richter mis-  
barte vor Zorn, da ihr Wille an Vorsprechen nicht mochte fortgehen,  
vel, quod latina versio reddit, quae sexus verecundiam co-

Iam medii  
aevi iura Ger-  
manica Ro-  
manis mixta  
fuerunt, ho-  
rumque rece-  
ptione vtique  
illis haud raro  
repudium de-  
derunt ma-  
iores.